



Akcija "Rebus" Uhapšeni odgovorni u lancu sarajevskih ekspres restorana

Čevabdžije osumnjičene za milionske utaje poreza

SARAJEVO - Službenici Agencije za istrage i zaštitu (SIPA) uhapsili su juče u Sarajevu pet lica osumnjičenih za organizovani kriminal, utaju poreza i pranje novca, obavljajući različite dužnosti i poslove u privrednim društvima "Mrkva grup" d.o.o. Sarajevo i "Mrkva" d.o.o. Sarajevo.

Lanac ekspres restorana "Mrkva" jedan je od najpoznatijih lanaca čevabdžinica u Sarajevu, a prema nezvaničnim informacijama privedeni su Adnan Mrkva (44), Amel Čapin (43), Ermin Špilja (30), Adis Berberović (31) i Arif Malići (46). Čevabdžinice "Mrkva", koje posluju duže od pet decenija, nalaze se na nekoliko lokacija u centru Sarajeva i važe za restorane brze hrane u koje svraćaju mnogobrojni turisti. Kako je saopšteno iz SIPA, u



PRETRESENO 14 STAMBENIH I POSLOVNIH OBJEKATA

Jedna od čevabdžinica "Mrkva"

akciji kodnog imena "Rebus", privedeni su A. M., A. Č., E. Š., A. B. i A. M. Tokom akcije koja je pokrenuta u ranim jutarnjim časovima pretreseno je ukupno 14 stambenih i poslovnih objekata na širem području Sarajeva.

- Pretresi su obavljani s ciljem pronalaska i privremenog oduzimanja predmeta ko-

ji mogu poslužiti kao dokaz u daljnjem postupku. Osnovano se sumnja da su osumnjičena lica nezakonitim aktivnostima oštetila budžet FBiH za više miliona maraka - naveli su juče iz SIPA.

Kako je juče saopšteno, akcija "Rebus" izvedena je nakon višemjesečne istrage, po naredbi Kantonalnog suda i

Tužilaštva u Sarajevu. Za Press je potvrđeno da su istražioci SIPA i sarajevskog Kantonalnog tužilaštva, u saradnji s nadležnim inspektorima, mjesecima detaljno pratili poslovne aktivnosti pomenute kompanije, tokom čega je utvrđeno da su osumnjičeni utajili oko pet miliona maraka.

- Prilikom rada na ovom predmetu policijski službenici SIPA ostvarili su blisku saradnju sa službenicima Poreske uprave Federacije BiH, a sve aktivnosti sprovedene su u saradnji sa MUP-om Kantona Sarajevo. Lica lišena slobode biće privedena u službene prostorije, gdje će se nad njima izvršiti kriminalistička obrada, nakon čega će, uz izvještaj o počinjenom krivičnom djelu, biti predana na daljnje postupanje Kantonalnom tužilaštvu Sarajevo - zaključili su iz SIPA. **D. T.**